

ادبیات کمونیستی

هفته‌ای سیاسی، علمی و ادبی غزته در

جلد : ۲

سنه : ۲ ۲۲ صفر ۱۳۳۶ جمعه ایرتسی ۸ کانون اول ۱۹۱۷ نومرو ۱۴ — ۴۵

اجمال افکار

[بولشویک افکار و عالم افکار ترتیب سرور و طبع یا کاشفکاری —

بایم، ایتک، ایتک مصدری .

روسیه ده عظیم و آلم بر اختلال و انقلاب اولور . بونی ساده‌جه بر « وقعه سیاسی » عد ایدنلر هر حالده یا کیلرلر . خایر ! [بولشویک] لرك خروج و عصیان منحصراً بر پولیتیکه جلوه‌سی، برفرقه‌نك دیکرینی بیقمه‌سی دکدر . بونك فکر و نظریه‌یه ده تعلقی وار . بو انقلابده ، واقعا ، طوغزیدن طوغری به سائق، حرب و آنك تولید ایتدیکی نوعانوع و کونا کون محرومیتلر، ضرورتلردر . لکن برده طولایسیله ، بطی ، حتی تحت‌التراب سائق واردر که اوده ، الحق و لاشك ، روسیه‌ده بر عصردن بری حاصل و حادث اولان ذهنیت - دوقتور عیداه جودتک بولدینی کوزل بر کله موجبنجه - « قفا » در .

روسیه استبدادك اوز وطنی ایدی . دولت ، غیر طبیعی ، قرون وسطائی و آسیائی بر شکلده قورولشدی . ماهیتی فتح و استیلادن بشقه بر شی دکلدی . مجبوراتدن اولدینی اوزره بو ماهیتده اولان هیأتك حیاتی آنجق استیلالری ابله دائم و قائمدر . دور استیلا هر نه صورتله اولورسه اولسون - بر کره قاباندقدن صکره هنگام انحطاط یواش یواش ویا عجالتله باشلايه بیلیر . ایشته ، موسقوف دیارنده درشت ، خشین اداره اصوللری تطبیق ایتک لازم کلیردی که بو قوص قوجه « انیه‌زیئالیزم » یاشایه بیلسون . بناء علیه استبداد و مطلقیت، بیوک برهنر و مهارتله روسیه‌ده تطبیق اولنیوردی . یالکیز بو استبداد هر وقت کیفی دکلدی . بعضاده عادل و عاقل شکیلنی آلیوردی . ایشته ، بو اداره ، داخلده بر عکس‌العملی موجب اولدی . هر ستمیده‌نك، هر حراندیشك حسیاتی غلیانه کلنیوردی . فکرلر افراطه اوغرادی . الکفیزیل سوسیالیستلر، الک‌آرغین [آنارشیتلر]،

یولجی

... سن که ساحلده کزدن قیزلرک آک صولغونیسک ،
اخروی بلده که صوگ یولجی دونه رکن بنی آک ! -

کولوبوردک قایاقلردن اینه رکن بکا سن ،
بن که هر کولکهک عکس ایتدیکی بر غملی صویم .
هر کون آلتده زهردن آجی روز کارلر آسن
غربت آقشاملرینک باغری یانیق یولجیسیم ...

برخزان آقشامی قیزلرده اونو تدم نیی ،
طوگدی قلمده بوتون ماعی بر سیسلی قیشک ،
کیجه یوللرده برافدم قیریلان ده کنکی ،
رهبرم یوق ، بنی دوندورمه یولدن ، صاریشین !

أریه ن روحی یورغون باقیشک دولدورسون ،
قوملر اوستنده کزدن سوکیلی قیز ، نره ده یوواک ؟
سن که ساحلده کزدن قیزلرک آک صولغونیسک ،
اخروی بلده که صوگ یولجی دونه رکن بنی آک ! ...

— مهوردار : مارت ، ۹۱۷ —

فاروی نافز

وده نیزه لوس و حکومتی

[کچن نسخه دن مابعد]

بو حرب عالم شمول قوپدینی زمان ، [وده نیزه لوس] ، رؤیاسنده بیله کوره مدیکی موققیات عظیمه
مادیه و سیاسیه نک مکافات اوله رق یونانستان حکومتک باش وکالتی موقعی ، بتون نفوذ و قوتیله اشغال
ایدیوردی . سببنی بیله میز ، فقط حربک بدایتنده ، اشتراک ایتسی تکلفی واقع اولدینی ایچون ،
یونانستان ، [وده نیزه لوس] ک یکی بر ایجاد اوله رقی ، ائتلافه قارشو « خیرخواهانه بر بی طرفلق »
اعلان ایتدی . فرانسه و انگلتره ، حقوق دول لغته یکی داخل اولان بو تعبیر عجیبدن بالاستقاده
[بوزجه آطه] نی ، [ساقزی] ی ، [مدلی] ، بی اشغال واملارینه بر متکای متین اتخا ایتدیله . انکار
سیاستک برمثلی مقانده اولان [وده نیزه لوس] ، ۱۹۱۵ سنه سنده یونانستان ، چناق قلعه تعرضنه
سوق ایتکه صوگ درجه چالیشدی ایسه ده قرال [قوسطنطین] ک فعلی مخالفتی اوزرینه مقصدینه
نائل اوله مدی . مجلس مبعوثانک فسخی و [وده نیزه لوس] ک سقوطی اوزرینه موقع اقتداره کلن

[غوناریس] ، ائتلافك هیچ ده خوشنه كینمیدی . واقعا خارجیه ناظری [زوگرافوس] ه ائتلاف طرفندن ، اوسنهك نيساننده تبليغ اولنان نوطه ده يونانستانك ائتلاف لهنه اوله رق حربيه اشتراكی حالنده «مقدما تركيا اراضيسندن موعود اولان اقسامك ويريله جكي» وعدي تکرار ايدیلیور ایدیه ده [غوناریس] قابینه سی ، اساساً بعضی تأمینات قویه طلبنه قالفیشدیغندن ، زمره ائتلاف يونانستاندن يك زياده شبهه ايتمه باشلامشدی . حتی يونانستانك توضیح مطالب و تشریح تصورات مقصديه ويرديكي نوطه بيله جوابسزه قالدی . ائتلافك بو وضعیتی اكلاشیلیوردی : چونكه قواله وحوالیسنی وعد ایدهرك بلغارستانی کندی طرفنه چككم ایتیوردی . یونان ارکان حربیه سی هیئتئك چناق قلعه تعرضك مطلقا برهزیمت قطعیه به منجر اوله جغنی درپیش ایتمش اولدیغنی کورن کریدلی سرکرده ، کندی واسطه نشر افکاری اولان غزته لر ایله ، آرتق حرب طرفدارى اولدیغنی اعلان ایدهرك ۱۹۱۵ نيساننده انتخاباته اشتراك ایتمش ، بو پروگرامنه قاپیلان اهالینك اکثریت آراسنی قزاعش ، تکرار موقع اقتداره کلمش ایدی . او سنهك ایلولنده [وده نیره لوس] ، مقصد اساسیسنی تعقیب ضمننده ، بلغارستانك سفربرلکنی بهانه ایدهرك يونانستانده دخی سفربرلك اعلانی حقنده قرالدن بر اراده قوبارمغه موفق اولدی . عینی زمانده موقعی سوء استعمال ایدهرك - یونان مجلس ملیسنك وقرال (قوسطنطین) ك هیچ خبری اولمقسزین - کبرلیجه سالنیکه عسکرچیقارمغه ائتلافی دعوت ایتدی . غریبدرکه ایش میدانه چیقنجه ، کریدلی ، بو حقیقتی حضور مجلسده انکار وباش وکیل صغتیله یونان قانون اساسیسنه مخالف اولان بوحرکته جسارت ایدهمیه جکنی ادعا ایتدیکی حالده ، بالاخره - عادت قدیسه سی وجهاله - علم بنی وعصیان قالدیرنجه ، کندی واسطه نشر افکاری اولان [کیربقس] غزته سنك ۲۶ مایس ۱۹۱۶ تاریخلی نسخه سنده ، «ائتلافه یالکز سالنیکه عسکرچیقارمسنی تکلیف دکل ، کندی سیاست شخصییه سنی تعقیب مقصديه ، بو خصوصی مصرانه طلب واسترحام ایتدیکنی بیان واعلاندن چکنمیدی . بوندن مقصدی ، يونانستانی تركيا علیه حربيه سوق ایتکدن بشقه بر شی دکل ایدی .

قانون اساسی به مخالف اوله رق ارتکاب ایتدیکی حرکت ، وملت مجلسی حضورنده اوینادیغنی ایکی یوزلی سیاست [وده نیره لوس] ی استغفایه مجبور ایتدی [تشرین ثانی ۱۹۱۵] . فقط کندینی حقلی کوسترمك ایچون قرالك نفوذ شخصیسنه مخالف اولدیغنی و بوندن طولانی انتخاباته اشتراك ایتیه جکنی غایت پرده بیرونانه یازلمش بر بیاننامه ایله خلته بیلدیردی . کانون اولده اجرا ایدیلن انتخابات نتیجه سنده رأس کاره کلن فرقه يونانستانی مشکل بر وضعیتده بولمش وشوقدیرکه بی طرف قاله جغنی کال مناتله بیان ایتمش ایدی . بوراده طورهم . چونكه يونانستانك اصل مذهب سیاستی ، [وده نیره لوس] ك تأثیرات مشعومه لاتیحصاسی بوصفحه دن صوکره باشلايور . بز ، حسیاته قاپیلماق ایچون ، «کشی اقراريله الزام اولنور» دستور شرعسنه اتباعاً ، قوجه کریدلینك اوینادیغنی رولاری ، دوش احتراصاته یوکلندیکی او بار عظیم مسئولیتك درجه سنی کندی نطقلریله تبیینه چالیشه جغز . ۱۹۱۷ سنه سی آغستوسنك یکریمی بشنده یونان مجلس مبعوثاننده ، ائتلاف زمره سنك حرکات تحکمانه سنه قارشو باشلایان بر مناقشه سیاسی ، [وده نیره لوس] ی ، قراله خطاباً ۱۹۱۷ سنه سی آغستوسنده یازدیغنی مکتوبی اشاعیه به مجبور ایتدی . مکر وحیله به يك پارلاق بر نمونه اولان بو مکتوبده شویله دینیوردی : « ذات حشمتپناهیلری ایله انکلتزه قرالی آرده سنده تعاطی بیوریلان تلغرافنامه لردن و مساعدۀ قرالی به استناداً ائتلاف دولتری سفراسنه طرفدن واقع اولان بیاناتدن

صوکره ، بوکون انکلتزه سفیرینک مراجعتی اوزرینه ترکیا طرفدن دوچار تعرض اولدیجه یونانستانک حربیه اشتراکدن امتناع ایده جکی حقنده بیاناتده بولمکزه احتمال ویرده میورم ...

«اساساً و هر دلو احتمالاته بناءً ترکیایه قارشو محاربه یه کیریشمکدن امتناع ایتک» حربدن مصون قالمق دکل ، اونى برمدت موقتیه ایچون تأخیردن بشقه بر نتیجه ویرضه . بوا یسه منافع ملیه ضره مخالفدر . چونکه دول مرکزیه نك حربده موقعی نه اولور ایسه اولسون ، انکلتزه نك بولندیغی زهره هر حالده شرقده تفوق ایده جکدر . ذات حشمتپناهیلرینی تردده سوق ایدن عاملک ترکیایه حرب آچماق آلمانیا نك مرضیسنه مخالف حرکت ایتک کیفیتی اولدیغنه ذاهب اولیورم . یونانلیق عالمنک الک بیوک دشمنی اولان [ترکیا] یه مهمات ، پاره ، سلاح ویرن آلمانیا یه نیچون بوقدر حرمتکار اوله لم؟ یونانستانه وجود ویرمش اولان دولتلره قارشو بوقدرز لاقیدی نه دندره؟ . حشمتآب! بوکون ترکیا علیه ائتلاف مثلک طرفدن اجرا ایدیله جک حرکات حربیه یه یونانستانک اشتراک ایتمی ایچون درمیان ایتدیکم شرطک که - باخارستانک ده اشتراکی ویاخود بی طرفاغیدر - تحقیق کیفیتی پک کوچدر . مقام حکمداری ایله مسئول وکلاسی آره سنده وجودی الزم اولان آهنگ و اتحادک حصولی تسهیل مقصدیله مأموریتدن عفو بیورلقلغی استرحام وذات حشمتپناهیلرینه قارشو بسله دیکم صداقتی تأیید ایلرم .» بواستغفانامه ایله [وهره لوس] ایکی ایشی بردن کورمش اولیور : قرالی ، ملتک منافعنه بحق خادم اولماقلا اتمام ، کندیسنی یونانستانک یکانه خلاصکاری اوله رق عوامه تقدیم !

کریدلی سیاستنک اوینادیغی روللری تعداده قاتیشمق سزین دیه لم که ، او ، دساسلانی ، جربزه سی ، تحکم مغفلی سایه سنده تحیل ایتدیکندن فضله بر درجه ده غایه سنه واصل اولمش ، یونانستانی آووجنه آله رق ، اساسات مشروطیتی نظر احتراصندن پک اوزاق طوته رق! مملکتی ایکی یه آیرمش ، قرالی مجبور استغفا ایتش ایدی .

۱۹۱۷ سنه سی آغستوسنک یکریمی آلتیسنده یونانستانک حاکم یکانه سی موقعنده اولدیغی حالده مجلس مبعوثانده ایراد ایتدیکی اوزون نطق گوستریور که [وهره لوس] ، [غلادستون] دن آشاغی قالماق شرطیله ، عالم اسلام و عثمانینک اک مدهش دشمنلرندندر . چناق قلعه تعرضنه مانع اولان یونان قرالیله ارکان حربیه هیئته قارشو نیجه حقیر اتهاماتده بولندقدن صکره مکار سیاسی مذکور نطقنده شو صورتله اداره لسان ایدیور : « افندیلر ! اگر طرفدن ترتیب ایدیلن خط حرکت سیاست آچیتی و قبالی مانعه لره معروض قالمسه ایدی ، یونان اردوسی ۱۹۱۵ سنه سی شباطنک اواخرندن اول کلیبولی شبه جزیره سنده بولنه جق ، اگر دهابر اردو کوندولمش اوله ایدی ، اون اون بش کون صوکره اواردو استانبوله کیرمش اوله جق ایدی ! آنجق سابق قرال وارکان حربیه هیئت چناق قلعه سفیرینه اشتراک ایتک ایستمیور ، حتی بومشله یی تدقیق و تبغه بیله یناشمیور ایدی . اگر پلانمزی کیزلی طوته ایدک ، جدیتله ، آجیغجه مراتب سیاستمزی تعذیب ایده ایدک ، برکون یونان عسکرلری آپانسرین کلیبولی ضبط ایتش و بونکله - صلحک عقدی امکانی تصور اولندیغی تقدیرده - مطلقاً ترکیایی صلح طلبنه اجبار ایلش اوله جقلردی . یونانلیغک بوندن نه بیوک استفاده لر تأمین ایتش اوله جغنی تصور ایده بیلیرسکیز : ترکیا ، یونانستانک شو سیاستی اوزرینه حال پریشانی یه دوچار اوله جق ایدی ، روسیه ایسه دکزدن مهمات آله جق ولوازم حربیه ففقدانی حسبیه ۱۹۱۶ ده معروض قالدیغی هجومدن مصون بولونه جق ایدی . ساحه سیاستده بوقدر موفقیتلره مظهر اولان یونانستان ایچون عجباً او وقت آسیای صغرا ده ایستدیکنی آلیق پک قولای

اؤنجه جغی ایدی ؟ اوندیلر ؛ چاق قلعه تعرضك عظیم قالمی اوزرینه ، یونانستان بوفلا کته سور
 روکنسکدن قورتارانلر ، کندیلرینه « مستخلص » عنوانی ویریورلر ، فقط آلدانیورلر ، بوسفری
 محاکمه ایدر ایکن واصل اولدینی نتایجی دکل ، یونانستان اشتراك ایده ایدی نه عظیم وشان آور
 صفجه آله جغی دوشونك لازمدر ؛ ایکی بالقان حکومتیه برلکده ترکیایه قارشو
 ۱۹۱۲ده قرار لاشدی دینم حربه مخالف اولان قرال ژورژ ایله عینی فکرده بولنانلر
 سیاستنه تبعاً یونانستان حربه اشتراك ایتمه مش اوله ایدی ترکیام طلقا دیکر لرینه غلبه چاله بیقی ایدی ..
 بو کریدلی سیاستك کلامیاتی بوراده طویلارکن خاطر مره بر سؤال کلدی : عجباً [و دیزه لوس]
 انکاترده طوغمش اوله ایدی ، [قروم و دل] ك بيلم قانجی شرا الحافی اولمازمی ایدی ؟
 دعوی وکیل معلم کریدی
 احمد سانی

نمسه و مجار

[مابعد]

آوستریا حکومتی آز آلمان اهالییه وچوق غیر آلمان تبعهیه مالک اولدیغندن ، من القیم ،
 طویل بولونمق ، پك اوزاقلره کیده مه مک مجبوریتنده ایدی . ترکار نمسهك برخصوصیتندن استفاده
 ایده بیلیرلردی . شرقی اوروپانك وسطه قریب اقسامی ، سهولتله ، آوستریا نفوذینه ترك ایدیلر
 و شرقی اقتصاده ، قره دکزك بتون سواحلینده ، [اوزی] و [طورله] و [تن] حوالیسینده ، حتی
 [وولغا] قییلرنده ترکار تزیید شوکت چاره لرینی بولورلردی . آوستریا ایله مختصامتز ایسه هم بیهوده
 سفرلری استلزام ایتدیرمش ، همده حکومت عثمانیهیه اصل ابراز فعالیت ایده بیله چکی ساحه
 و صحنه لری اونوتدیرمشدیر .

آوستریانك خصوصیت تشکلی آنك روسیه کی ، ترکیه کی مرکزندن پك اوزاق برلره
 کیچمسه مانعدر . بو حکمته مبنیدر که صونک زمانلرده هردولت اوروپا خارجنده مستعمره ایدمکه
 باشلادینی وقت آوستریا اصلا بویله بر پولتیقه اختیار ایتمه مش و [پور آر تور] ك روسیه جانبندن
 استکراسندن صکره هردولت معظمه چینده بریر ایدندیکی حالده ویانه قاینه سی بوفرستندن ده استفاده
 ایتیه ایسته مه مشدر . بناءً علیه اتساع پولتیقه سی اتخاذه آوستریا بزه تاریخده رقیب اوله مازدی .
 آنك مرکز اشتغالاتی (صادو وایه قدر) غرب ، آلمانیا ، آلمانیا - هه که مونیا - بی ایدی .
 [بیر مارق] بودقیقه بی ایجه کشف ایتدیکندن ویانه قاینه سنك کوزنی شرقه توجیه ایتدی و بوندن
 [درانغ ناخ اوستن] Drang nach osten پولتیقه سی چیقدی .

وقتیه ایکی ساحه توسع وانکشاف واردی : شرق ، غرب . بوساحه لر اوقدر واسع ایدی که
 ایکی بیوک دولت منافعی اصلا تصادم ایتمه دن منکشف اوله بیلیردی . قاریاتلردن اوبر طرفی [موراویا]